



UNIVERSITÄTS-
BIBLIOTHEK
PADERBORN

Universitätsbibliothek Paderborn

In Genesin Enarratio

Chyträus, David

Vitebergæ

VD16 C 2625

VII. Pœna uxoris Loth continet necessariam doctrinam de Fide, quæ in solo Deo acquiescit nec respicit à tergo, hoc est non relabitur à pietate ad impietatem, & bona huius vitæ, quæ reliquerat.

urn:nbn:de:hbz:466:1-36126

Quomodo autem apparuerint Angeli, an adsumptis corporibus elementaribus uel alijs. Item, An comederint, biberint etc. ipse Augustinus lib. 3. de Trinitate fatetur intentionis suae uires excedere.

VI.

TESTIMONIUM
de pluritate personarum
Diuinitatis.

Pluit Iehoua, id est, Filius Dei (qui ut Iohannes dicitur, unâ cum Patre omnia operatur) ignem et sulphur à Iehoua, id est, eterno Patre, qui est fons diuinitatis, sine temporis principio suam essentiam Filio, et Spiritui sancto communicans.

Haud dubiè autem ingens ira Dei significatur, cum ipse filius Dei huius horrendæ poenæ ministrius est.

VII.

POENA UXORIS
LOTH.

Luce 17. inquit Christus, Mementote uxoris Loth. Qui enim querit animam suam seruare, perdet eam, et qui perdet eam, uiuificabit eam. Est igitur uxor Loth imago omnium, qui presentis uitæ suauitates et commoda, uerbo Dei et pia confessioni anteferunt. Ita Christus inquit Luc. 9. Qui

admouet manum suam aratro, & respicit à tergo, non est idoneus ad regnum Dei, hoc est, Qui semel reliquit impietatem, ac huius uitæ uoluptates ac commoda, & uerbum Dei fide amplexus est, postea autem imminentibus periculis, quæ fidem comitantur, pœnitentiã amissorum ductus, redit animo ad priores uitæ suauitates, Is nunquam erit heres Regni Dei.

Ita hoc loco Angelus Lotho præcipit, Ne respiciat à tergo, hoc est, ne afficiatur desiderio commodorum, quæ relinquit, sed in Deo acquiescat, & in proposito iuxta mandatum Dei suscepto constanter ἡγήσεται ἄμετασσειπὶ perseueret. Quæ uoce etiam nono de Legibus Plato utitur. τὰς δὲ καὶ σωστικὰς φεῦγε ἄμετασσειπὶ.

Scribitur autem uxor Loth uersa esse in statuam Salis, hoc est, in cumulum uel ingentem lapidem, qui esset perpetuum punitæ incredulitatis testimonium, ut Nume. 18. Pactum Salis uocatur perpetuum & æternum.

VIII.

DE INCESTA
consuetudine Lothi cum
filiabus.

Diligenter discernenda sunt genera peccatorum. Alij scientes & uolentes seu ἐκ προαίρεσως
α ε ε consulte